

永樂大典

卷九百二十

永樂大典卷之九百二十 二支

師

太子三師

禮記文王世子曰凡三王教世子必以禮樂樂所以修內也禮所以修外也禮樂交錯於中發形於外故

其成也擇恭敬而溫文又曰立太傅少傅以養之欲其知父子君臣之道也太傅審父子君臣之道以示之少傅奉世子以觀太傅之德行而審喻之太傅在前少傅在後入則有保出則有師是以教諭而德成也師也者教之以事而喻諸德者也保也者慎其身以輔翼之而歸諸道者也記曰虞夏商周有師保有疑丞設四輔及三公不必備惟其人語使能也數類太子三師三少是為六傅太師太傅太保少師少傅少保也又曰六師晉史曰愍懷建宮乃置六傅三大三少自元康之後諸傅或二或三或四或五隋書百官志太子太師太傅太保是為三師掌師範訓導輔翼皇太子唐書百官志東宮官太子太師太傅太保各一人從一品掌輔導皇太子每見迎拜殿門三師各拜每門必讓三師坐太子乃坐與三師書前名惶

永樂大典卷九百二十

恐後名惶恐再拜太子出則乘輅備鹵簿以從少師少傅少保各一人從二品掌晚三師德行以諭皇太子奉太子以觀三師之道德自太師以下唯其人不必備先天元平開府置各一人後唐書唐書唐書唐書太子太師一人太傅一人太保一人並從一品下史記秦孝公使商鞅設法而廢太子師傅則秦有其職也漢氏唯置太傅秩二十石屬官有太子門大夫庶子洗馬舍人員後漢太子太傅秩中二十石掌輔導太子禮如師不領官屬至魏太子太傅為第三品漢魏故事皇太子於二傅執弟子禮皆為書不曰令太傅於太子不稱臣晉初東宮不置詹事事由二傅少傅立草太傅書真以為儲副體尊遂命諸公居之而本司位重或行或領也成寧中備六傅之職朗陵公何邵為太子太師避景帝諱改為師安豐侯王戎為太傅武陵侯揚濟為太保其後或置或省懷帝為太弟又備六傅東晉明帝在儲官置保傅之位而無二師晉令太子太保品第三進賢兩梁冠絳朝服佩水蒼玉銀章青綬宋齊梁並不置後魏北齊置之正第二品號東宮三太後周不置隋氏置之正第三品皇朝因之而加其秩太子出則乘輅備儀太子三師以道德輔教太子者也至於動靜起居言語視聽皆有以師焉兩府元龜長孫無忌為司徒定策立晉王為太子太宗以

無忌為太子大師房玄齡蕭瑀為傅保制曰明兩之重寔固宗祧輔導之職莫先師保是以呂望召奭騰芳於有周叔孫玄成繼美於隆漢司徒趙國公無忌器範宏邈風鑒秀遠材稱棟幹地兼姻戚佐命之功勒乎鍾鼎論道之譽穆乎台榭股肱是屬邦國攸賴教諭少陽僉望斯在司空梁國公玄齡體業忠肅識具弘通誠著霸圖功宣鼎業奉上之節所懷必盡益國之事知無不為必能厲茲六行審喻三善特進宋國公瑀操行清約識局貞正夙受先遇早升朝右立身之操必在於直道體國之心無忘於忠義輔翼儲貳望實攸歸無忌可太子大師玄齡可太子太傅瑀可太子太保又以黃門侍郎褚遂良為太子賓客鄭氏諱綺稱大師太傅太保曰春官三師唐會要皇太子見三師禮貞觀十二年七月禮部尚書王珪兼魏王師上問黃門侍郎韋挺曰恭昨與珪相見若為禮節挺對曰見師之禮拜答如儀訖王問珪忠孝珪答曰陛下王之君也事君思盡忠陛下王之父也事父思盡孝忠孝之道可以享天祐餘芳可以垂後葉王曰忠孝之道已聞教矣願聞所習答曰漢東平王蒼云為善寂樂上曰我嘗語泰汝之事師如事我也泰每先拜珪珪亦以師道自居物議善之十七年四月二十一日上謂房玄齡蕭瑀曰太子三師以德導人者也若師禮卑則

永樂大典卷九百二

二

太子無所取則於是詔令撰三師儀注太子出殿門迎先拜三師答拜每門讓三師坐太子乃坐與三師書前名惶恐後名惶恐再拜其年皇太子承乾夫德魏王有奪嫡之漸內外疑議上惡之謂侍臣曰當今朝臣忠蹇無踰魏徵我遣傳皇太子用絕天下之望及草詔曰徵其辭乎皆曰徵已拜侍中必不受師傅上曰徵識吾此意當不固辭及詔為太子大師徵自陳有疾詔答曰漢之太子四皓為助我之賴卿即其義也知公疾病可卧護之即拜而奉詔其年四月英公勣為特進太子詹事仍同中書門下三品上謂勣曰我兒新登儲兩卿舊長史今以官事相委故有此授屈資勿恠也以孤思之無越卿者公往不遺李密今豈負於朕哉勣雪淚致詞以謝是月詔宰臣劉洎岑文本褚遂良往東宮與皇太子遊處為賓客初洎上疏以皇太子初立宜尊師重學與正人遊故上嘉歎其行焉大和八年十月太常禮院奏今月十七日皇太子與大師相見請前一日開崇明門內外門所司陳設依奏開成三年四月勅宜令師保賓客詹事左右春坊五品已上官每至朔望日仗下後與前件官詣崇明門謁見皇太子其一官兩員已上者任分番如遇陰雨休假及輟放並權停其年八月勅太子大師鄭覃每月與賓客左右春坊五品已上官謁見皇太子宜令每月更

添一日。以二十六日。二十二日。詣崇明門謁見。若遇陰雨。休假。及輟朝。放朝。即取以次雙日。餘准今年四月。勅處分。九月。勅太子太師及東宮官。每月二十六日。詣崇明門謁皇太子宜侍。

師氏

書顧命篇。師氏。中大夫一人。上士二人。府二人。史二人。胥十有二人。徒百有二十人。師氏。掌以媿詔王。以三德教國子。一曰至德。以為道本。二曰敏德。以為行本。三曰孝德。以知逆惡。教三行。一曰孝行。以親父母。二曰友行。以尊賢良。三曰順行。以事師長。居虎門之左。司王朝。掌國中失之事。以教國子弟。凡國之責遊子弟。學焉。凡祭祀賓客。會同喪紀。軍旅。王舉則從。聽治亦如之。使其屬帥四夷之隸。各以其兵服守王之門外。且蹕朝在野外。則守內列。元豫章熊朋來集師氏之官。諸儒或以為周召之職。公孤之副。愚按武王之在牧野。固以亞旅師氏。叙於司徒司馬司空之下。則公孤之外。別有師氏之官。故其秩為中大夫。為上士。會同軍旅。王舉則從。使虎賁兵服之士屬焉。皆不忘牧野時。宋呂東萊集周師氏箴。諫之

永樂大典卷九百二十

三

道有三難焉。曰遠。曰疎。曰驟。遠則勢不接。疎則情不通。驟則理不究。其言之不行也固也。彼周設師氏之官。淵乎其用意之深乎。師氏之官。實居虎門之左。而詔王以媿者也。其勢近。其情親。其言漸。若江海之浸。膏澤之潤。日加益而不知焉。周公之設官三百六十。官必掌一事。事必寓一意。而師氏獨列地官之屬。實周公致意之深者。想夫成周之隆。出入起居同歸於欽。發號施令同歸於臧者。師氏抑有助焉。昔周太史辛甲。命百官箴王闕。而虞人之箴獨傳。竊意師氏之所獻。必反覆紉繹。辭煩意篤。足以為百代箴規之法。然求之於蠹書漆簡之中。雖斷章片辭。邈不可得。是可歎已。用敢追述其事。而為箴曰。若昔忠臣。格君之非。啓心沃心。日化月移。雖有嘉猷。情或未信。勢疎地遠。千說一聽。蒼周之興。稽古建官。左右賢俊。治格多盤。時惟師氏。詔王以媿。巽以入之。曰義曰理。原念媿惡。水火背馳。火盛水竭。媿勝惡微。燕閒穆清。誠意懇款。先養所長。姑置所短。性復其源。善迎其端。輔翼聖學。功不可刊。侈麗之欲。將發復止。暴慢之慮。將萌復已。師師之諫。惟一惟精。君失無迹。我諫無形。於惟辟王。獨制萬衆。必求峻賢。舉以自近。且承蕃猷。前贊

後襄。義體默移其道。大光苟不鑑此。正直屏奔。僕隸之臣。諾諾唯唯。堂下日遠。堂上日高。雖復虛宇。烏知民勞。聖人復作。斯理不易。小臣司規。敢告執戟。

國師

馬明史實錄漢王莽以劉歆為國師。歆後自殺。更以訢業。蒙遜禮待。月致羊酒。牧捷尊為國師。親自致拜。命官屬以下皆北面受業。小傳梁書王承傳。承僕射。諱子。七歲通周易。選補國子生。年十五。射策高第。除祕書郎。歷太子舍人。後為國子博士。時膏腴貴遊咸以文學相尚。罕以經術為業。惟承獨好之。發言吐論。造次儒者在學。訓諸生。述禮易義。中大通五年。遷長史兼侍中。俄轉國子祭酒。承祖儉及父暕。嘗為此職。三世為國師。前代未有也。宋史。傳字文虛中。建夫中。資政殿大學士。為祈請使。使金國。為金人所拘留。虛中有才。金人加以官爵。後累官進金紫。光祿大夫。金人號為國師。元史。鐵歌傳。憲宗尊鐵歌叔那摩為國師。張立道傳。立道奉使安南。傳上命。曉之日。燭曰。公。大國之卿。小國之師也。

永樂大典卷九百二十

四

國師

晉書鳩摩羅什傳。羅什出家。東度葱嶺。龜茲王聞其名。郊迎之。請為國師。

三帝國師

唐張說集大通禪師碑。詔請西來趺座親君。肩輿上殿。屈萬乘而稽首。洒九重而宴居。傳聖道者不北面。有盛德者無臣禮。遂推為兩京法主。三帝國師。

天使國師

岳珂程史。宋施宜生。福人也。後為虜中禮部尚書。方顯時。有龜山僧至其

三藏國師

元史本紀。至順二年。特命沙津。愛護

國。言于亮而尊顯之。俾乘驛至京東。視海舟。號天使國師。持必刺。忒納失里。為三藏國師。賜玉印。又釋老傳。其年。又賜必蘭納識理玉印。加號普覺圓明廣照弘辯三藏國師。

灌頂

國師

元史順帝紀。至元三年十二月。西域僧加刺麻。至京師。號灌頂國師。賜玉印。

高麗國師

高麗國經國師之稱。蓋如中國之有僧職。綱維也。其上一等。謂之王師。至見則拜之。皆服山水衲袈裟。長袖偏衫。金趺。遮下有紫裳。烏革鈴履。人物衣服。雖略與中華同。但高麗人大抵首無梳骨。以僧祝髮。乃見之。頗可駭訝。晉史謂三韓之人。初生子。便以石壓其頭。今扁非

永樂大典

卷九二〇

也。蓋由種類資稟而然。未必因石而扁。

詔為國師

佛祖統紀云。北齊文宣詔高僧法常為國師。又勅曇延法師為

大統專為國師。武后勅神秀禪師入京行道。歷三朝。皆禮為國師。肅宗詔南陽惠忠禪師入見。號稱國師。代宗詔南岳法照為國師。憲宗賜沙門知玄悟達國師。封澄觀大統清涼國師。吳越王錢俶奉沙門德詔為國師。

宗師

王海漢平紀。元始五年正月。給祭明堂。諸侯王二十八人。列侯百二十人。宗室子九百餘人。召助祭。禮畢。封孝宣曾孫信等三

十六人為列侯。餘益戶。賜爵金帛。補吏各有差。詔曰。惟宗室子皆太祖高皇帝子孫。及兄弟。吳頃楚元之後。漢元至今。十有餘萬人。莫能相糾。或陷入刑罪。其為宗室自太上皇以來。族親各以世氏郡國置宗師。以糾之。致教訓焉。二十石。選有德義者。蓋聞帝王以德撫民。其次親親。以相及也。昔堯睦九族。舜惇叙之。朕以皇帝幼年。且統國政。惟宗室子皆太祖高皇帝子孫。及兄弟。吳頃楚元之後。漢元至今。十有餘萬人。雖有王侯之屬。莫能相糾。陷入刑罪。教訓不至之咎也。傳不云乎。君子篤於親。則民興於仁。其為宗室自太上皇以來。族親各以世氏郡國置宗師。以糾之。致教訓焉。二

永樂大典卷九百二十

五

千石。選有德義者以為宗師。考察不從教令。有寃失職者。宗師得因郵亭書言宗伯。請以聞。常以歲正月。賜宗師帛各十匹。東漢書李通傳。通字次元。南陽宛人也。世以貨殖著姓。父守身長九尺。容貌絕異。為人嚴毅。居家如官廷。初事劉歆。好星歷。識記為王莽宗卿師。平帝五年。王莽攝政。郡國置宗師。以主宗室。蓋持尊之。故曰宗卿師。李守為莽宗卿師。盧植獻書實武曰。宜依古禮。置諸子之官。召王侯愛子。宗室賢才。崇訓導之義。簡其良能。隨用爵之。強幹弱枝之道也。晉武帝紀。咸寧三年春正月丙子朔。詔曰。召穆公糾合兄弟。而賦常之詩。此姬氏所以本支百世也。今以衛將軍扶風王亮為宗師。所當施行。甘諾之。汝南王亮傳。晉宗室盛無以統攝。以亮為宗師。訓導。觀察有不遵禮法。小者正以義方。大者隨事聞奏。亮王形亦為宗師。故城上林領大示所。東晉書。魏書官氏志。初以八國姓族難分。故國立大師小師。令辨其宗黨。品舉人才。自八國以外。郡各自立。師職分如八國。比今之中正也。宗室立宗師。亦如州郡八國之儀。職官志。宗正統皇族宗人圖牒。哀帝省并太常。元魏天賜元年十一月。命宗室置宗師。八國州郡各置。所以辨宗室。舉才行。如魏晉十五之職。太和二十二年。以彭城王勰為宗師。有不遵教典。隨事以聞。西魏廣陵王欣為大

宗師。後周有宗師中大夫。資治通鑑。唐高祖武德二年二月丙戌。詔諸宗姓居官者。在同列之上。未仕者。見其徭役。每州置宗師一人。以總攝。別為團伍。會要。詔宗緒之情。義越常品。宜有旌異。以明等級。天下諸宗姓任官者。宜在同列之上。無職任者。不在徭役之限。每州置宗師一人。以相統攝。文苑英華。庾信祀公讓宗師表。臣某言。伏見詔書。以臣為使持節驃騎大將軍。開府儀同三司。宗師中大夫。伏奉綸音。心魂震擊。臣聞堯分四岳。是以望秩山川。舜命九官。是以光華日月。必須易一作法刑。以德明試。以功乃可。協和萬邦。咸熙庶績。臣幼無學植。長闕才成。鴻都之門。不能定其章句。雞鹿之塞。無以名其碑碣。憑天漢之派水。附弱木之分枝。東岳則朝宿有名。南宮則門闕有籍。在臣庸劣。久知滿盈。武陽以功臣之重。特拜宗卿。東平以母弟之尊。超登上將。臣有何德。能兼此榮。臣早傾庭蔭。曾未扶牆。母氏慈訓。哀矜勞苦。甫及成人。復垂捐棄。几筵如在。恩雜鞠育之恩。終天無報。叩地難任。欲草土丘陵。終身瑩域。霜露申復時之感。鶯雀展迴翔之心。不悟天澤沛然。謬垂提掖。當今玉燭調和。既非金革之世。璿璣齊政。豈忘松楸之餘。况復一枝。躑躅終危。九層之臺。一服岑蹄。必傷千里之駕。皇帝欽明文思。先宅區宇。禮格四方。無容奪臣此志。孝治天下。自當哀

永樂大典卷九百二十

六

臣此情。太宗為師。更求同姓之國。元戎參乘。別選賢能之臣。伏願覽青蒲之奏。曲允微誠。詔鳳凰之池。特收嚴召。則天慈無濫。私願獲從。臣之容身。便當有地。不任荒疎。戰懼之誠。謹詣朝堂。奉表以聞。

諸侯師

東漢書。劉般傳。般少時。篤志修行。講誦不怠。建武八年。東至洛陽。脩經學。是年。光武下詔。封般為菑丘侯。奉孝王祀。使就國。從封。行秋侯。十九年。行幸沛。詔問郡中諸侯。行能。太守薦言。般束脩。至行。為諸侯師。帝聞而嘉之。乃賜般綬錢百萬緡。帛二百匹。唐柳宗元集。送班孝廉覲省序。外王父以將相之重。九命未社。為諸侯師。

先師

禮記。文王世子。凡學。春官釋奠于其先師。秋冬亦如之。注。官謂。但。是祭於學。宗。此之謂先師之類也。若漢禮。有高堂生。樂有制氏。詩有毛公。書有伏生。亦可以為之也。凡始立學者。必釋奠于先聖先師。及行事。必以幣。注。謂天子命之教。始立學者也。有國故則否。注。名。唐虞有舜伯夷。周有周公。魯有孔子。則各自異之。不合也。始立學者。既業。器用幣。注。吉先

聖先師以器成。天子視學。乃命有司行事。興秩節。祭先聖先師。焉。注。興。興也。秩。節也。器。禮也。此有司。攝其。中。來。帝。禮。不。視。祭。者。視。學。觀。禮。耳。非。為。使。故。也。
東漢書孔僖傳。章帝過魯。幸闕里。祠孔子。帝謂僖曰。今日之會。寧於卿宗。有光榮乎。對曰。明王聖主。莫不尊師貴道。今陛下親屈萬乘。辱臨敝里。此乃崇禮先師。增輝聖德。至於光榮。非所敢承。儒學傳序。太宗貞觀六年。詔罷周公祠。以孔子為先聖。顏氏為先師。孔氏釋錄。太宗貞觀二年。房玄齡建言。周公仲尼皆聖人。然釋奠于學。以夫子。大業以前。皆以孔子為先聖。以顏子為先師。別祀周公。尊孔子為先聖。以顏子為配。高宗顯慶二年。七月十一日。太尉長孫無忌等議曰。案新禮。孔子為先聖。顏子為先師。又准貞觀二十一年。以孔子為先聖。更以左氏等二十一人。與顏子俱配尼父。太學並為先師。今據永徽令文。改用周公為先聖。遂出孔子為先師。顏子左氏為從。據漢魏以來。取舍各異。顏子夫子互作先師。宣父周公迭為先聖。求其節文。適有得失。所以貞觀之末。親降綸言。依禮記之明文。酌康成之異說。正夫子為先聖。如展禽為先師。永垂制於後昆。革往代紕繆。仲尼生衰周之末。拯文喪之弊。祖述堯舜。憲章文武。弘至教於六經。闡儒風於千世。自漢以降。奕葉封侯。崇奉其聖。迄於今日。胡可降茲上哲。俯入先師。

永樂大典卷九百二十

今請改令從詔。於義為允。其周公仍依別禮配享武王。詔從之。開元八年。李元瓘奏。稱先聖孔宣父廟。先師顏子配坐。十哲列象。七十子圖形。于壁。唐撫言。開元五年九月。詔曰。古有賓獻之禮。登于天府。揚于王庭。重學尊師。與賢進士。能美風俗。成教化。蓋先王之跡焉。朕以寡德。欽若前政。思與子大夫復臻于理。故他日訪道。有時忘食。乙夜觀書。分宵不寐。晤專經之義。篤學史之文。永懷覃思。有足尚者。不示褒崇。孰云獎勸。其諸州鄉貢明經進士。見訖。宜令引就國子監謁先師。學官為之開講。質問其義。宜令所司優厚設食。兩館及監內。得解舉人。亦准此。其日請資官五品已上。及朝集使。往觀禮。即為常式。易曰。學以聚之。問以辯之。詩曰。如切如磋。如琢如磨。此朕所望於習才也。事物紀原。唐書劉伯芻傳。伯芻子允章。咸通中。為禮部侍郎。請諸生及進士第。並謁先師。則茲禮起於唐懿宗之世。劉允章請也。又選舉志曰。開元五年。使令鄉貢明經進士見訖。國子監謁先師。是則開元之禮。第施於貢士。而咸通時。允章所請。糾開元貢士之禮。而為之制也。唐會要云。開元五年五月八日也。撫言又以為九月。詔樂府詩集。隋先聖先師歌。無名氏。誠夏。經國立訓。學重教先。三墳肇開。五典留篇。罔鑿理著。陶鑄功宣。東膠西序。春誦夏弦。芳塵載仰。祀典無虧。周子

遺文告先師文 敢昭告于先師充國公顏子。爰以遺脩廟學成恭脩釋
菜于先聖至聖文宣王惟子睿性通微實幾於聖明誠道確夫子稱賢謹
以禮幣藻齋式陳明獻從祀配神尚饗家揚誠齋集謁先師鄰國公文言
聖師者必曰孔孟言亞聖者必曰顏孟某諸生也初學為邑視事之三月
而首謁於先師禮也。筭學先師 宋史本紀大觀三年詔筭學以黃帝為先
師風后等八人配饗巫咸等七十八從祀

永樂大典卷之九百二十

永樂大典卷九百二十

八